

Haustui huius Sulphatis Magnesiae drachmam addere, ad alvum molliendam, saepius prodest.

HAUSTUS SULPHATIS ZINCI EMETICUS.

R̄. Sulphatis Zinci crystallisati scrupulum,
Aquaе ferventis sescunciam; fiat solutio.

U. Sumpto veneno confestim, ubi prompta exinatione ventriculi opus est, pro dosi exhibendus.

INFUSUM ABSINTHII.

R̄. Herbae Absinthii unciam dimidiam,
Aquaе ferventis quantum satis.

Macera in vase leviter clauso per horam, subinde agitando; tunc refrigera, et cola libram. Eadem ratione et eadem infusi quantitas obtinetur ex: ACORI CALAMI rad. uncia; ANGELICAE rad. uncia; ARNICE florum et fol. semuncia; ejusdem radice contusae scrupulis duobus; CASCARILLE uncia; CHAMOMILLE fl. drachmis sex; HUMULI LUPULI strobilorum semuncia; JUNIPERI bac. sescuncia; MENTHE CRISPE herbae uncia; MENYANTHIDIS TRIFOLIATE herbae drachmis sex; PHELLANDRII AQUATICI seminum tantundem; POLYGALAE SENEGAE radice semuncia; SALVIAE fol. uncia; SAMBUCI fl. uncia; QUASSIAE concisi ligni semuncia; SERPENTARIAE rad. semuncia; SPECIERUM AMARARUM uncia; SPECIERUM ANTISCORBUTICARUM sescuncia; SPECIERUM AROMATICARUM uncia; SPECIERUM EMOLLIENTIUM uncia; VALERIANAE rad. semuncia.

INFUSUM COCHLEARIAE ARMORACIAE.

R̄. Radice Cochleariae Armoraciae recentis, rasae, uncias duas,

Aquaе frigidae uncias quindecim.

Macera per horas sex in vase clauso et cola exprimendo.

Si hujusce infusi libræ uncias duas seminum sinapis nigræ, et unciam spiritus cochleariæ armoraciæ addideris, egregium remedium in myodynâ rheumatica (chronica), paralysi, in quibusdam hydropiseos formis et scorbuto obtinebis.

D. Uncia ad duas, ter singulis diebus.

INFUSUM DIGITALIS.

R̄. Foliorum Digitalis siccatorum drachmam,
Aquæ ferventis uncias septem.

Maccera folia in vase leviter clauso, subinde agitando, per quatuor horas; ubi refrixerit, cola et adde:
Tincturæ aromaticæ unciam.

D. Drachmæ tres, ad sex, in singulos dies.

INFUSUM GENTIANÆ COMPOSITUM.

R̄. Radicis Gentianæ luteæ semunciam,
Fructus Citri Aurantii immaturi,
Radicis Zingiberis, utriusque drachmam,
Spiritus Vini rectificati uncias quatuor,
Aquæ communis libram.

Adfunde primum spiritum vini, dein post tres horas aquam, tum digere leni calore per horas duodecim, et cola.

D. Unciæ duæ, bis, terve unoquoque die.

INFUSUM LINI.

R̄. Seminum Lini uncias duas,
Radicis Glycyrrhizæ semunciam; infunde
Aquæ ferventis libras quatuor.

Stet in loco tepido per horas tres, tum cola. Interdum additur succus citri medicæ aut mel oxycocci, vel oxymel simplex, vel saccharum purum, ad gratam aciditatem dulcedinemque.

U. Dysuria, catarrhus, pneumonitis, blennorrhœa, ischuria incipiens. Nephritidi, splenitidi, hysteritidi auxilio est; cæteris vero phlegmasiis, ut: cystitidi, liquida hujusmodi tantum abest, ut mollimentum præsent, ut potius onere et malum irritent, et conflictantem in discrimen vitæ conijciant.

INFUSUM PRUNI PADI.

Rz. Corticis Pruni Padi unciam,
Spiritus Vini rectificati uncias duas,
Aquæ communis uncias quinque.

Digere in vase clauso; post refrigerationem exprime; corticem remanentem coquito in:

Aquæ communis unciis octo, ad remanentiam unciarum quatuor. Decoctum colatum cum infuso commisce.

V. Infusum hoc alcoholisatum, cum decocto junctum, virtutem initio roborantem et incitantem cum sedante et antispasmodica unit.

U. In arthrodynia et myodynia rheumatica diuturna, haud secus, ac in adfectionibus paralyticis, quæ hæc mala consequi solent, laudatur. Phthiseos symptomata mitigat.

D. Secunda quaque hora cochlear datur.

INFUSUM RHEI BORAXATUM.

Rz. Rhei concisi et contusi sescunciam,
Radicis Cocculi palmati (Columbo),
Biboratis Sodæ, utriusque drachmam,
Seminum Cari Carvi scrupulos duos,
Aquæ ferventis uncias tredecim.

Macera, subinde agitando, in vase leviter clauso per sex horas; expressæ colaturæ unciarum undecim adde:

Spiritus Vini unciam. Usui serva.

D. A duabus drachmis ad semunciam, et ultra, bis in die.

INFUSUM RHODODENDRI.

R̄. Rhododendri foliorum siccatorum semunciam,
Aquæ fervidæ uncias quatuordecim;
committe vasi fictili clauso et luto oblito. Digere leni calore per horas duodecim, liquoremque cola.

V. Narcotico - diaphoretica, initio stimulans, dein actionem cordis minuens.

D. Uncia pro dosi, sensim sensimque ad duas et amplius adscendendo datur, bis terve in die, nisi vertigo, nausea, vomitus et alia mali ominis indicia ulteriorem usum vetarint.

INFUSUM SARSAPARILLÆ.

R̄. Radicis Sarsaparillæ minutim incisæ et contusæ selibram,

Aquæ ferventis libras sex;

digere in vase clauso calore circiter 66° — 72° R., subinde agitans, per horas sex; liquorem adhuc calentem exprime et cola; denique post subsidentiam ad vitrum detur. Modus hiecc, eximias sarsaparillæ proprietates (quæ in cortice resident) obtinendi, quin rei naturam scrutarentur, pernotus vetulis, atque apud omnes per totam Rossiam jam dudum pervulgatus observatur.

INFUSUM SCOPARII COMPOSITUM.

R̄. Cacuminum Cytisi Scoparii recentium uncias duas, vel

» » » » » siccatorum unciam,

Fructus Juniperi contusi,

Radice Taraxaci incisæ et contusæ, utriusque unciam,

Aquæ communis uncias quindecim.

Digere calore 66°—72° R. in vase clauso per horas sex; liquorem fortiter exprime, dein in illo solve:
Acetatis Potassæ semunciam; postremo adde:
Spiritus Juniperi compositi uncias duas.

V. Cathartica; diuretica; majori dosi nonnunquam emetica.

U. Hydropicis, jecinori duro et aliorum abdominis viscerum obstructionibus (post febrem intermittentem superstitibus) subsidio venit.

INFUSUM SENNÆ SALINUM.

R̄. Foliorum Sennæ unciam dimidiam,
Zingiberis concisi et contusi semidrachmam,
Aquæ ferventis uncias quinque;
macera per horam, et in colatura solvito:

Sulphatis Sodæ, vel

» » Magnesiæ,

Mellis despumati, singulorum semunciam.

Aliquando Tartratis Stibii et Potassæ dimidium granum additur. Loco aquæ communis carminativa quælibet, ut menthæ crispæ etc. cum fructu adhibetur.

D. Dimidium sumatur, et post duas vel tres horas reliquum, nisi alvus prius responderit.

Si singulis dosibus oxymellis colchici drachmas duas addere velis, misturam habebis sic dictæ SCUDAMORI æquiparabilem, superingerendo magnesiæ quantum lubet.

INFUSUM SENNÆ TARTARISATUM.

R̄. Foliorum Sennæ semunciam,
Tartratis Potassæ drachmas sex,
Zingiberis concisi et contusi drachmam,
Aquæ ferventis uncias decem.

Macera per horam in vase leviter tecto et liquori colato tartratam potassæ immisce.

D. Tres unciae prius sumantur, et uncia singulis duabus subsequentibus horis, donec alvus rite mota sit.

LINIMENTUM ACIDUM TEREBINTHINATUM.

R̄. Olei Terebinthinæ uncias duas,
» Olivarum uncias quinque,
Acidi Sulphurici diluti sesquidrachmam.

Oleis simul commistis guttatim instilla acidum, ut fiat linimentum.

U. Adusta, contusa, distorsio, erythema e mor-
siunculis insectorum, ecchymoma, præcipue perniones.
Rejecto acido sulphurico, ad fricandum ventrem in hy-
drope valet.

LINIMENTUM AMMONIÆ.

LINIMENTUM VOLATILE.

R̄. Olei Olivarum partes tres,
Ammoniæ liquidæ partem.

Agita simul, donec misceantur.

U. Myodynæ rheumaticæ, doloribus spasticis vel
aliis (ab inflammatione internarum partium) stipatæ,
anginæ etc. conducit.

LINIMENTUM AMMONIÆ CAMPHORATUM.

LINIMENTUM VOLATILE CAMPHORATUM.

R̄. Camphoræ partem,
Olei Olivarum partes octo,
Ammoniæ liquidæ partes tres; fiat linimentum.

U. Cynanche tonsillaris, dolores rheumatici etc.

LINIMENTUM CALCAREUM.

R̄. Olei Lini usitatissimi recentis,
Aquæ Calcariae, utriusque pares portiones.

Miscee conquassando.

U. Adustis, excoriationibus etc. egregium remedium
esse, quotidiana docemur experientia.